


www.BibleForChildren.org


मत्ती 26



यीसु फसह के
तेउहार लग छय रोज
पहले बैतनिय्याह गांव हे
आथै, जिहां लाजर रथै, जेही
यीसु मरे हर मसे जिन्दा करे रथै।
तब मरियम कीमती महकनी तेल
लइके यीसु के गोड हे डालथै,
अपन चूंदी लग ओखर गोड
पोछथै इतर लग घर
सुगन्धित हुइ जथै।



तब यहूदा इस्करियोती जउन बारहठे चलन मसे अक्ठी रथै, यीसु के
उनखर हाथ पकडवामै के निता, पुजारी के लिघघो जथै। जब पुजारी ई
बातन के सुनथै ता ऊ मगन होथै, अउ कुछ
चांदी के पइसा देय के निता टीमा करथै,
अउ यहूदा निक्खा टेम के मउका हूँढै
लागथै, कि यीसु के कउनो
मेर लग पकडोय दइहों।



यीसु जसना आदेस दय रथै, चेला ओसनेन
करथै अउ तेउहार के तइयारी करिन।
जब उन भात खात रथै, ता यीसु रोटी लेथै
अउ आसीस मांग के टोरथै, अउ चेलन के दइके
कथै, "लेया, खा हइ मोर देह हबै।" फेर ऊ
खोरिया लइके भगवान के धन्यवाद करथै, अउ
उनही दइके कथै, "तुम सबझन इके पिया, काखे
हइ टीमा के मोर खून हबै, जउन बोहत मनसेन के
निता उनखर पाप के छमा करै के निता
बहोय जही।"




यीसु कथै, समोन हे समोन देखा भुतवा तुम मनसेन के मांग लय हबै,
ता तुमके गोहं के जसना फटकही। पय मै तुम्हार निता बिनती करे
हबो, कि तुम्हर बिस्वास झइ डगमगाय अउ जब तै लउटबे ता तोर
भाई के बल बढही। पय समोन ओखर ले कथै, हे परभु मै तोर संग जेल
जाय अउ मरै के तइयार हबो। यीसु कथै, हे पतरस मै तोर ले कथो कि
जब तक कुकडी बांस नेहको लेही, तब तक तै तीन बार मना नेहको कर
लेबे कि तै मोके जानथस।



तब यीसु अपन चेलन के संग
गतसमनी नाम के अक्ठी जिघा
हे जथै, अउ अपन चेलन के कहै
लागथै, इहै छो बइठिहा जब
तक मै बिनती करै जथो।
ऊ कथै, "हे बाफ, तोर लाने
सगलू कुछु लिखडी होही, ई दुख
के खोरवा मोर लग दुरिहां कर दे,
तउभरमा मोर इक्छा नेहको,
पय तोर इक्छा पूर होय।"



इहैनिता यहूदा, सिपाही, पंडित अउ फरीसिन के संग उछो पहुंच जथै
अउ उनखर लिघ्घो मसाले, चिमनी अउ हथियार रथै।
अउ उनखर मसे अक्ठी महायाजक के हरवाह,
ओखर दहिना पल्ला के कान के काट देथै।
ई बात लग यीसु कथै, अब बस करा
अउ ओखर कान के छुइ
के निक्खा कर देथै।



फेरै उन मनसे यीसु के पकरके महायाजक के घर छो लइ जथै, पतरस
दुरिहां लग ओखर पाछू-पाछू चलथै। अउ जब ऊ मनसे अंगना हे आगी
जलाय के अकजुट बइठे रथै,
ता पतरस उनखर बीच
हे आयके बइठ जथै।




पंडित के अक्ठी हरवाह ऊ
मनसे के रिस्तेदार रथै, जेखर
कान पतरस काट दय रथै,
ऊ पूछथै, "का मै तोके
ओखर संग बगइचा हे
नेहको देखे रथो?" पतरस फेरै
मना कर देथै अउ उहै टेम कुकडी
बांस देथै। अउ पतरस भीड लग
बाहिर छो निकडके,
सिसक-सिसक के रोथै।




ता सगलू दरबार उठके यीसु के, पिलातुस राजा
के लिघघौ लइ जथै। पिलातुस राजा यीसु लग
पूछथै, "का तै यहूदी कर राजा हबस?" ऊ उके
जबाब देथै, "तहिन तो कथस, मै उहै हबो।"

पिलातुस यीसु के छोड
देय चाहथै, इहैनिता ऊ
मनसेन के समझाथै।


पय ऊ मनसे चिरलाय के कथै,
"उके क्रूस हे टंगाबा,
इके क्रूस हे टंगाबा।"




तब पिलातुस यीसु के क्रूस हे टंगामै के
निता उनखर हाथ सउप देथै।
तब यीसु के ऊ जिघा लइ जथै, जउन
इब्रानी भासा हे गुलगुता कहाथै, जेखर
मतलब हबै खोपडी के जिघा अउ यीसु
अपन क्रूस के खुदय उठाथै।



उद्यो उन यीसु अउ ओखर संग दुइठे अउ मनसेन
के क्रूस हे टंगाथै, अक्ठी के दहिना पल्ला अउ
दूसर के टेटरा पल्ला अउ बीच हे यीसु के।



बेरो नेहको चमकथै, उछो मन्दिर के परदा चिथर के दुइ खन्डा हुइ जथै। अउ यीसु बोहत आरो लग चिरलायके कथै, "हे बाफ मै अपन आतमा तोर हाथ हे साउपथों।" अउ ई बात कहि के ओखर परान निकड जथै।



अरिमतियाह नगर के रहै बाले यूसुफ आथै, जउन
दरबार के सदस्य रथै, ऊ भगवान
कर राज के ओरगथै, ऊ बोहत
हिम्मत के संग पिलातुस के
लिघघो जथै, अउ यीसु के लोथ
के मांगथै। युसुफ यीसु के
लोथ के उतार के अपन
संग लाथै, अउ रेसम के


पिछउरी हे लपेटीस अउ
पथरा के खोदके बनाय गय
मरघटी हे मंडाय देथै,
अउ माडा के दूरा हे पथरा
ढनगाय देथै।



अगले रोज जउन सुस्ताय के रोज रथै, खास
पुजारी अउ फरीसी पिलातुस के लिधघो
गइना। उन कथै, "परभु हमके
सुरता हबै, कि ऊ नरै बाले अपन
बीते हर टेम हे कहे रथै, कि मै
तीन रोज बाद फेरै जी
उठिहों। उन कढ जथै अउ
उन मरघटी के माडा के
दूरा कर पथरा हे सील

लगाइन,
अउ

चवकीदारन
के मरघटी हे
ताकै के निता बइठाय देथै।"




सुस्ताय कर रोज कर बाद हप्ता के पहिलेन रोज
अइतवार के सुबेन्नेन रथै, मरियम मगदलीनी
अउ दूसर मरियम मरघटी के देखै
आथै। काखे स्वरग लग परभु कर
अकठी स्वरगदूत उहां उतरथै,
अउ ऊ टेम बोहत भुंइडोल
हुइस, स्वरगदूत उहां
आयके पथरा के टरकाय
के ओहमा बइठ गइस।


स्वरगदूत के देखके
चवकीदार थरथराय
लागथै अउ डेराय
गइन।




तब स्वरगदूत डउकिन लग कथै, "झइ डेराबा,
काखे मोके पता हबै, जउन यीसु के कूस
हे चढाय रथै, ओही तुम हूँढथा।
ऊ इछो नेहको हबै, पय ऊ कहे
हर बचन के जसना जी उठे
हबै, स्वरगदूत कथै, आबा
ऊ जिघा देखा जछो
ओखर देह धररे रथै।"



उन डउकी हरबी मरघटी लग कढ गइन अउ उन
डेरात अउ मगन लग भर जथै, अउ यीसु के
चेलन के संदेस देय के निता दउरत गइन।
यीसु अचनकै गली हे उन डउकिन लग
मिलथै अउ कथै, "खुस रहा" उन यीसु
के लिघघो आइन ओखर परनाम
करके भजन करिन।





गेराठे चेला जब भात खाये के बइठत रहै, ता यीसु अचानक आथै, अउ उनखर अबिस्वास अउ मन के कठोर होय लग बिस्वास नेहको करथै, ता ऊ गधारिस इहैनिता कि ओखर जी उठे के बाद, देखेबाले के बात पय उन बिस्वास नेहको करथै। उन मनसेन लग बात करथै, परभु यीसु के स्वरग छो उठाय लइ जथै, अउ तब ऊ भगवान के दहिना पल्ला बइठ गइस।



भगवान हइ दुनिया लग अइसन माया करिस,
कि ऊ अपन अकठी टोरवा के दइ दइस, ताकि
जउन कउ ओखर उप्पर बिस्वास करही, ऊ
नेहको मरही, बलुक सबरोज के जीवन पाही।



रोमियो 3:23 काखे सगलू झन पाप करे हबै अउ सगलू झन भगवान कर
महिमा लग दुरिहां हुइ गय हबै।

रोमियो 6:23 काखे पाप के मजदूरी ता मरै के हबै, पय भगवान के बरदान
हमर परभु यीसु मसीह हे सबरोज के जीवन हबै।

इब्रानिन 9:27 जउन मेर मनसेन के निता अक्कै बेर मरना अउ एखर बाद
ओखर नियाव होय के निता तय हबै।

इफिसियों 2:8,9 काखे बिस्वास के द्वारा अनुग्रह लग तुम्हर मुकति होय
हबै अउ हइ तुम्हर पल्ला लग नेहको, पय भगवान के बरदान हबै,
हइ तुम्हर कउनो काम के कारन नेहको मिलथै, असना झइ होय कि
कउ घमंड करै।

रोमियो 10:9,10 काखे अगर तुम मुंह लग सुइकार करथा कि यीसु परभु
हबै, अउ मन लग बिस्वास करथा कि भगवान उके मरे हर मसे जिन्दा
करिस, ता तुमही मुकति मिलही। काखे नियाइपन के निता मन लग
बिस्वास करै लग धरमी मनसे ठहरथै, अउ मुंह लग सुइकार करै लग
उके मुकति मिलही।



यूहन्ना 3:16,17 "भगवान हइ दुनिया लग अइसन माया करिस, कि ऊ अपन अक्ठी टोरवा के दइ दइस, ताकि जउन कउ ओखर उप्पर बिस्वास करही, ऊ नेहको मरही, बलुक सबरोज के जीवन पाही। भगवान अपन टोरवा के दुनिया हे इहैनिता नेहको पठोइस कि दुनिया हे सजा के आदेस दे, पय इहैनिता दुनिया ओखर द्वारा मुकति पाबै।"

1 यूहन्ना 5:11-13 अउ ऊ गवाही हइ हबै, भगवान हमके सबरोज के जीवन दय हबै, अउ हइ जीवन ओखर टोरवा हे हबै। जेही टोरवा मिल गय हबै, ओही जीवन मिल गय हबै, अउ जेही भगवान कर टोरवा नेहको मिले हबै, ओखर हे जीवन नेहको हबै। तुम सगला भगवान कर टोरवा के नाम हे बिस्वास करथा, मै तुमके हइ चिट्ठी लिखथो जेखर लग तुम हइ जान लेया कि तुमही अनन्त काल के जीवन मिले हबै।



मत्ती 26-28; लूका 22-24; यूहन्ना 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Bhumiya Bible (bhu) © The Word for the World International
and © 2025 Bhumiya Bhasha Samiti, Madhya Pradesh

<https://www.bible.com/en-GB/bible/3712/MAT.1.BTP25>

©2026 Bible for Children, Inc.

www.M1914.org

www.bibleforchildren.org

